

## OFFERYNNAU STATUDOL CYMRU

# 2020 Rhif 89 (Cy. 13)

## BWYD, CYMRU

### Rheoliadau Fformiwla Fabanod a Fformiwla Ddilynol (Cymru) 2020

*Made - - - - 30th January 2020*  
*Laid before the National*  
*Assembly for Wales - - 31st January 2020*  
*Coming into force in accordance with regulation 1*

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir gan adrannau 6(4), 16(1)(a) ac (e) a (2)(b), 17(1) a (2), 26(1) a (3) ac 48(1) o Ddeddf Diogelwch Bwyd 1990(1) ac a freiniwyd bellach ynddynt hwy(2) ac adran 2(2) o Ddeddf y Cymunedau Ewropeaidd 1972(3) a pharagraff 1A o Atodlen 2 iddi.

Mae Gweinidogion Cymru wedi eu dynodi at ddibenion adran 2(2) o Ddeddf y Cymunedau Ewropeaidd 1972 mewn perthynas â mesurau sy'n ymwneud â bwyd (gan gynnwys diod), gan gynnwys cynhyrchu sylfaenol o ran bwyd(4).

Mae'r Rheoliadau hyn yn gwneud darpariaeth at ddiben a grybwyllir yn adran 2(2) o Ddeddf y Cymunedau Ewropeaidd 1972 ac mae'n ymddangos i Weinidogion Cymru ei bod yn hwylus i gyfeiriadau penodol at ddarpariaethau Rheoliad Dirprwyedig y Comisiwn (EU) 2016/127 dyddiedig 25 Medi 2015 sy'n ychwanegu at Reoliad (EU) Rhif 609/2013 Senedd Ewrop a'r Cyngor ynghylch y gofynion penodol o ran cyfansoddiad a gwybodaeth ar gyfer fformiwla fabanod a fformiwla ddilynol ac ynghylch gofynion o ran gwybodaeth sy'n ymwneud â bwydo babanod a phlant ifanc(5) gael eu dehongli fel cyfeiriadau at y darpariaethau hynny fel y'u diwygir o bryd i'w gilydd.

- (1) 1990 p. 16. Diwygiwyd adran 6(4) o Ddeddf Diogelwch Bwyd 1990 ("Deddf 1990") gan baragraff 6 o Atodlen 9 i Ddeddf Dadreoleiddio a Chontractio Allan 1994 (p. 40), paragraff 10(1) a (3)(a) o Atodlen 5, ac Atodlen 6, i Ddeddf Safonau Bwyd 1999 (p. 28) ("Deddf 1999") ac O.S. 2002/794. Diwygiwyd adran 16(1) o Ddeddf 1990 gan baragraffau 7 ac 8 o Atodlen 5 i Ddeddf 1999. Diwygiwyd adran 17 o Ddeddf 1990 gan baragraffau 7, 8 a 12 o Atodlen 5 i Ddeddf 1999 ac O.S. 2011/1043. Diwygiwyd adran 26(3) gan Atodlen 6 i Ddeddf 1999. Diwygiwyd adran 48(1) gan baragraffau 7 ac 8 o Atodlen 5 i Ddeddf 1999.
- (2) Mae'r swyddogaethau hynny a oedd gynt yn arferadwy gan "the Ministers" (sef, o ran Cymru a Lloegr ac yn gweithredu ar y cyd, y Gweinidog Amaethyddiaeth, Pysgodfeydd a Bwyd a'r Ysgrifenyddion Gwladol a oedd yn eu trefn yn ymwneud ag iechyd yn Lloegr a bwyd ac iechyd yng Nghymru) bellach yn arferadwy o ran Lloegr gan yr Ysgrifennydd Gwladol yn unol â pharagraff 8 o Atodlen 5 i Ddeddf 1999. Trosglwyddwyd y swyddogaethau hynny, i'r graddau y maent yn arferadwy o ran Cymru, i Gynulliad Cenedlaethol Cymru gan O.S. 1999/672 fel y'i darllenir gydag adran 40(3) o Ddeddf 1999, a'u trosglwyddo wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p. 32).
- (3) 1972 p. 68 ("Deddf 1972"). Diwygiwyd adran 2(2) o Ddeddf 1972 gan adran 27(1)(a) o Ddeddf Diwygio Deddfwriaethol a Rheoleiddiol 2006 (p. 51) a chan adran 3(3) o Ddeddf yr Undeb Ewropeaidd (Diwygio) 2008 (p. 7) a Rhan 1 o'r Atodlen iddi. Mewn osodwyd paragraff 1A o Atodlen 2 gan adran 28 o Ddeddf Diwygio Deddfwriaethol a Rheoleiddiol 2006. Fe'i diwygiwyd gan adran 3(3) o Ddeddf yr Undeb Ewropeaidd (Diwygio) 2008 a Rhan 1 o'r Atodlen iddi, a chan O.S. 2007/1388.
- (4) O.S. 2005/1971, y mae diwygiadau iddo nad ydynt yn berthnasol i'r Rheoliadau hyn.
- (5) OJ Rhif L 25, 2.2.2016, t. 1, fel y'i diwygiwyd ddiwethaf gan Reoliad Dirprwyedig y Comisiwn (EU) 2019/828 (OJ Rhif L 137, 23.5.2019, t. 12).

*Statws Golwg cyfnod mewn amser fel yr oedd ar 22/02/2021.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)*

Mae Gweinidogion Cymru wedi rhoi sylw i gyngor perthnasol a roddwyd gan yr Asiantaeth Safonau Bwyd yn unol ag adran 48(4A) o Ddeddf Diogelwch Bwyd 1990(6).

Ymgynghorwyd yn agored ac yn dryloyw â'r cyhoedd fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(7), wrth lunio a gwerthuso'r Rheoliadau hyn.

## Enwi, cychwyn a chymhwyso

1.—(1) Enw'r Rheoliadau hyn yw Rheoliadau Fformiwla Fabanod a Fformiwla Ddilynol (Cymru) 2020.

(2) Daw'r Rheoliadau hyn i rym—

- (a) ac eithrio pan fo is-baragraff (b) yn gymwys, ar 22 Chwefror 2020;
- (b) ar 22 Chwefror 2021 mewn cysylltiad â fformiwla fabanod a fformiwla ddilynol sydd wedi eu gweithgynhyrchu o hydrolysadau protein.

(3) Mae'r Rheoliadau hyn yn gymwys o ran Cymru.

### Gwybodaeth Cychwyn

**I1** Rhl. 1 mewn grym ar 22.2.2020 at ddibenion penodedig, gweler [rhl. 1\(2\)\(a\)](#)

**I2** Rhl. 1 mewn grym ar 22.2.2021 i'r graddau nad yw eisoes mewn grym, gweler [rhl. 1\(2\)\(b\)](#)

## Dehongli

2.—(1) Yn y Rheoliadau hyn—

mae i “awdurdod bwyd” yr ystyr a roddir i “food authority” yn rhinwedd adran 5(1A) o'r Ddeddf(8);

ystyr “y Ddeddf” (“*the Act*”) yw Deddf Diogelwch Bwyd 1990;

ystyr “gofyniad cyfraith UE penodedig” (“*specified EU law requirement*”) yw unrhyw ddarpariaeth yn y Rheoliad Dirprwyedig a bennir yng ngholofn 1 o'r tabl yn Atodlen 1, fel y'i darllenir gydag unrhyw ddarpariaeth a bennir yn y cofnod cyfatebol yng ngholofn 2 o'r tabl hwnnw;

ystyr “y Rheoliad Dirprwyedig” (“*the Delegated Regulation*”) yw Rheoliad Dirprwyedig y Comisiwn (EU) 2016/127 dyddiedig 25 Medi 2015 sy'n ychwanegu at Reoliad (EU) Rhif 609/2013 Senedd Ewrop a'r Cyngor ynghylch y gofynion penodol o ran cyfansoddiad a gwybodaeth ar gyfer fformiwla fabanod a fformiwla ddilynol ac ynghylch gofynion o ran gwybodaeth sy'n ymwneud â bwydo babanod a phlant ifanc(9).

(2) Mae unrhyw gyfeiriad at ddarpariaeth yn y Rheoliad Dirprwyedig yn gyfeiriad at y ddarpariaeth honno fel y'i diwygir o bryd i'w gilydd.

(6) Mewniodwyd adran 48(4A) gan adran 40(1) o Ddeddf 1999 a pharagraff 21 o Atodlen 5 iddi.

(7) OJ Rhif L 31, 1.2.2002, t. 1, fel y'i diwygiwyd ddiwethaf gan Reoliad (EU) 2019/1243 Senedd Ewrop a'r Cyngor (OJ Rhif L 198, 25.7.2019, t. 241).

(8) Mewniodwyd adran 5(1A) gan baragraff 16 o Atodlen 9 i Ddeddf Llywodraeth Leol (Cymru) 1994 (p. 19).

(9) OJ Rhif L 25, 2.2.2016, t. 1, fel y'i diwygiwyd ddiwethaf gan Reoliad Dirprwyedig y Comisiwn (EU) 2019/828 (OJ Rhif L 137, 23.5.2019, t. 12).

(3) Mae i ymadroddion Saesneg a'r ymadroddion Cymraeg cyfatebol a ddefnyddir yn y Rheoliadau hyn ac yn y Rheoliad Dirprwyedig yr un ystyr yn y Rheoliadau hyn ag sydd iddynt yn y Rheoliad Dirprwyedig.

#### Gwybodaeth Cychwyn

- I3** Rhl. 2 mewn grym ar 22.2.2020 at ddibenion penodedig, gweler **rhl. 1(2)(a)**  
**I4** Rhl. 2 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

### Gorfodi

3. Rhaid i bob awdurdod bwyd weithredu a gorfodi'r Rheoliadau hyn o fewn ei ardal.

#### Gwybodaeth Cychwyn

- I5** Rhl. 3 mewn grym ar 22.2.2020 at ddibenion penodedig, gweler **rhl. 1(2)(a)**  
**I6** Rhl. 3 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

### Cymhwyso darpariaethau'r Ddeddf

4.—(1) Mae adran 10(1) a (2) o'r Ddeddf (hysbysiadau gwella) yn gymwys, gyda'r addasiad (yn achos adran 10(1)) a bennir yn Rhan 1 o Atodlen 2, at ddibenion—

- (a) galluogi i hysbysiad gwella gael ei gyflwyno i berson, sy'n ei gwneud yn ofynnol i'r person hwnnw sicrhau cydymffurfedd ag unrhyw ofyniad cyfraith UE penodedig; a
- (b) gwneud methu â chydymffurfio â hysbysiad y cyfeirir ato yn is-baragraff (a) yn drosedd.

(2) Mae adran 32(1) i (8) o'r Ddeddf(10) (pwerau mynediad) yn gymwys, gyda'r addasiadau (yn achos adran 32(1)) a bennir yn Rhan 2 o Atodlen 2, at ddibenion galluogi swyddog awdurdodedig o awdurdod gorfodi—

- (a) i arfer pŵer mynediad i ganfod a yw bwyd nad yw'n cydymffurfio â gofyniad cyfraith UE penodedig yn cael ei werthu neu wedi ei werthu; a
- (b) i arfer pŵer mynediad i ganfod a oes unrhyw dystiolaeth o unrhyw doriad o ofyniad cyfraith UE penodedig.

(3) Mae adran 35 o'r Ddeddf (cosbi troseddau) yn gymwys, gyda'r addasiadau a bennir yn Rhan 3 o Atodlen 2, at ddiben pennu'r gosb am drosedd a gyflawnir o dan adran 10(2) fel y'i cymhwysir gan baragraff (1)(b).

(4) Mae adran 37 o'r Ddeddf (apelau) yn gymwys, gyda'r addasiadau a bennir yn Rhan 4 o Atodlen 2, at ddiben galluogi person i apelio yn erbyn penderfyniad i gyflwyno hysbysiad y cyfeirir ato ym mharagraff (1)(a).

(5) Mae adran 39 o'r Ddeddf (apelau yn erbyn hysbysiadau gwella) yn gymwys, gyda'r addasiadau (yn achos adran 39(1) a (3)) a bennir yn Rhan 5 o Atodlen 2, at ddiben ymddrin ag apelau yn erbyn penderfyniad i gyflwyno hysbysiad y cyfeirir ato ym mharagraff (1)(a).

(6) Mae darpariaethau'r Ddeddf a bennir ym mharagraff (7) (“y darpariaethau paragraff (7)”) yn gymwys, gyda'r addasiadau a bennir yn Rhan 6 o Atodlen 2, at ddibenion y Rheoliadau hyn i'r graddau y maent yn ymwneud â'r darpariaethau yn y Ddeddf, a bennir ym mharagraffau (1) i (5) ac a addesir ganddynt.

(7) Y darpariaethau yn y Ddeddf, a bennir at ddibenion y paragraff hwn, yw—

(10) Mae diwygiadau i adran 32(5) a (6), ond nid yw'r un ohonynt yn berthnasol.

*Statws Golwg cyfnod mewn amser fel yr oedd ar 22/02/2021.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)*

- (a) adran 3 (rhagdybiaethau y bwriedir i fwyd gael ei fwyta gan bobl);
- (b) adran 20 (toseddau oherwydd bai person arall);
- (c) adran 21(11) (amddiffyniad diwydrwydd dyladwy);
- (d) adran 22 (amddiffyn cyhoeddi yng nghwrs busnes);
- (e) adran 29 (caffael samplau);
- (f) adran 30(12) (dadansoddi etc. samplau);
- (g) adran 33(13) (rhwystro etc. swyddogion);
- (h) adran 36 (toseddau gan gyrff corfforedig);
- (i) adran 36A(14) (toseddau gan bartneriaethau Albanaidd);
- (j) adran 44 (amddiffyn swyddogion sy'n gweithredu'n ddiwyll);
- (k) adran 53 (dehongli cyffredinol);

ac mae unrhyw gyfeiriad yn y darpariaethau paragraff (7) at adran o'r Ddeddf, gan gynnwys cyfeiriad at "any of the preceding provisions of this Part", i'w ddarllen fel cyfeiriad at yr adrannau hynny o'r Ddeddf sy'n gymwys yn rhinwedd y Rheoliadau hyn, a chyda'r addasiadau a wneir ganddynt.

#### Gwybodaeth Cychwyn

**I7** Rhl. 4 mewn grym ar 22.2.2020 at ddibenion penodedig, gweler **rhlf. 1(2)(a)**

**I8** Rhl. 4 mewn grym ar 22.2.2021 i'r graddau nad yw eisoes mewn grym, gweler **rhlf. 1(2)(b)**

#### Dirymiadau, arbedion a darpariaethau trosiannol

5.—(1) Mae'r offerynnau a bennir yng nghlofn 1 o'r tabl yn Atodlen 3 wedi eu dirymu i'r graddau a bennir yng nghlofn 3 o'r tabl hwnnw, yn ddarostyngedig i baragraff (2).

(2) Mae'r offerynnau a bennir yng nghlofn 1 o'r tabl yn Atodlen 3 yn parhau i gael effaith (i'r graddau y maent wedi eu dirymu fel arall i'r graddau a bennir yng nghlofn 3 o'r tabl hwnnw)—

- (a) tan 21 Chwefror 2021 mewn cysylltiad â fformiwla fabanod a fformiwla ddilynol sydd wedi eu gweithgynhyrchu o hydrolysadau protein;
- (b) at ddibenion paragraff (3)(b).

(3) Caiiff fformiwla fabanod a fformiwla ddilynol nad ydynt yn cydymffurfio â gofyniad cyfraith UE penodedig barhau i gael eu marchnata nes i'r stociau o'r bwyd hwnnw gael eu disbyddu, ar yr amod—

- (a) iddo gael ei roi ar y farchnad neu ei labelu—
  - (i) cyn 22 Chwefror 2020; neu
  - (ii) cyn 22 Chwefror 2021 yn achos fformiwla fabanod a fformiwla ddilynol sydd wedi eu gweithgynhyrchu o hydrolysadau protein; a
- (b) bod yr amodau a bennir yn y ddarpariaeth a ganlyn yn Rheoliadau Fformiwla Fabanod a Fformiwla Ddilynol (Cymru) 2007(15) wedi eu bodloni—
  - (i) rheoliad 3(1) (gwaharddiad ar farchnata fformiwla fabanod oni bai bod amodau penodol wedi eu bodloni) yn achos fformiwla fabanod;

(11) Diwygiwyd adran 21 gan [O.S. 2004/3279](#).

(12) Diwygiwyd adran 30 gan baragraffau 7 ac 8 o Atodlen 5 i Ddeddf 1999.

(13) Diwygiwyd adran 33 gan baragraff 3(1) a (4) o'r Atodlen i Ddeddf Bwyd (Yr Alban) 2015 (dsa 1).

(14) Mewnodoswyd adran 36A gan baragraff 16 o Atodlen 5 i Ddeddf 1999.

(15) [O.S. 2007/3573 \(Cy. 316\)](#). Yr offeryn diwygio perthnasol yw [O.S. 2008/2602 \(Cy. 228\)](#).

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

- (ii) rheoliad 3(2) (gwaharddiad ar farchnata fformiwla ddilynol oni bai bod amodau penodol wedi eu bodloni) yn achos fformiwla ddilynol.

**Gwybodaeth Cychwyn**

**I9** Rhl. 5 mewn grym ar 22.2.2020 at ddibenion penodedig, gweler **rhl. 1(2)(a)**

**I10** Rhl. 5 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

30 Ionawr 2020

*Vaughan Gething*  
Y Gweinidog Iechyd a Gwasanaethau  
Cymdeithasol, un o Weinidogion Cymru

**Statws** Golwg cyfnod mewn amser fel yr oedd ar 22/02/2021.

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

## ATODLEN 1

Rheoliad 2(1)

## Gofynion cyfraith UE penodedig

**Gwybodaeth Cychwyn**

**I11** Atod. 1 mewn grym ar 22.2.2020 at ddibenion penodedig, gweler **rhl. 1(2)(a)**

**I12** Atod. 1 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

<b>Colofn 1</b>	<b>Colofn 2</b>
<i>Darpariaeth benodedig yn y Rheoliad Dirprwyedig</i>	<i>Y ddarpariaeth yn y Rheoliad Dirprwyedig sydd i'w darllen gyda'r ddarpariaeth benodedig yn y Rheoliad Dirprwyedig</i>
Erthygl 1(2) (rhoi ar y farchnad)	Erthygl 1(1)
Erthygl 2(1) (gofynion o ran cyfansoddiad ar gyfer fformiwla fabanod)	Erthyglau 1(1) a 2(3), Atodiad 1 ac Atodiad 3
Erthygl 2(2) (gofynion o ran cyfansoddiad ar gyfer fformiwla ddilynol)	Erthyglau 1(1) a 2(3), Atodiad 2 ac Atodiad 3
Erthygl 2(3) (paratoi fformiwla fabanod a fformiwla ddilynol)	Erthyglau 1(1), 2(1) a (2)
Erthygl 3(1) (addasrwydd cynhwysion ar gyfer fformiwla fabanod)	Erthyglau 1(1) a 3(3) a pharagraff 2 o Atodiad 1
Erthygl 3(2) (addasrwydd cynhwysion ar gyfer fformiwla ddilynol)	Erthyglau 1(1) a 3(3) a pharagraff 2 o Atodiad 2
Erthygl 4(2) (trothwy gweddillion sylwedd gweithredol)	Erthyglau 1(1) a 4(1), (3) a (5)
Erthygl 4(3) (rhanddirymiad o drothwy gweddillion sylwedd gweithredol)	Erthyglau 1(1) a 4(1), (2) a (5)
Erthygl 4(4) (gofynion o ran plaladdwyr)	Erthyglau 1(1) a 4(1) a (5)
Erthygl 5(1) (enw bwyd nad yw wedi ei weithgynhyrchu'n llwyr o brotein llaeth gwartheg neu eifr)	Erthygl 1(1) a Rhan A o Atodiad 6
Erthygl 5(2) (enw bwyd sydd wedi ei weithgynhyrchu'n llwyr o brotein llaeth gwartheg neu eifr)	Erthygl 1(1) a Rhan B o Atodiad 6
Erthygl 6 (gofynion penodol o ran gwybodaeth am fwyd)	Erthyglau 1(1) a 7(1), (2), (3), (5), (6), (7) ac (8)
Erthygl 7(1) (gofynion penodol o ran y datganiad ynglŷn â maethiad)	Erthyglau 1(1) a 7(4), Atodiad 1 ac Atodiad 2
Erthygl 7(3) (ailadrodd gwybodaeth a gynhwysir mewn datganiad mandadol ynglŷn â maethiad)	Erthygl 1(1)

(1) Rheoliad (EU) Rhif 1169/2011 Senedd Ewrop a'r Cyngor dyddiedig 25 Hydref 2011 ynghylch darparu gwybodaeth am fwyd i ddefnyddwyr, etc. (OJ Rhif L 304, 22.11.2011, t. 18).

<b>Colofn 1</b>	<b>Colofn 2</b>
<i>Darpariaeth benodedig yn y Rheoliad Dirprwyedig</i>	<i>Y ddarpariaeth yn y Rheoliad Dirprwyedig sydd i'w darllen gyda'r ddarpariaeth benodedig yn y Rheoliad Dirprwyedig</i>
Erthygl 7(4) (datganiad ynglŷn â maethiad yn fandadol ni waeth beth fo maint y pecyn neu'r cynhwysydd)	Erthyglau 1(1) a 7(1), Atodiad 1 ac Atodiad 2
Erthygl 7(5) (cymhwysio Erthyglau 31 i 35 o Reoliad (EU) Rhif 1169/2011 <sup>(1)</sup> )	Erthyglau 1(1) a 7(6), (7) ac (8)
Erthygl 7(6) (mynegi gwerth egni a symiau maetholion)	Erthyglau 1(1) a 7(5)
Yr is-baragraff cyntaf o Erthygl 7(7) (gwaharddiad ar fynegi gwerth egni a swm maetholion fel canran o'r cymeriant cyfeirio)	Erthyglau 1(1) a 7(5)
Erthygl 7(8) (cyflwyno manylion a gynhwysir yn y datganiad ynglŷn â maethiad)	Erthygl 1(1)
Erthygl 8 (gwaharddiad ar wneud honiadau am faethiad ac iechyd ar fformiwla fabanod)	Erthygl 1(1)
Erthygl 9(1) (datganiad "lactose only")	Erthygl 1(1)
Yr is-baragraff cyntaf o Erthygl 9(2) (datganiad "lactose free")	Erthygl 1(1)
Yr ail is-baragraff o Erthygl 9(2) (datganiad nad yw fformiwla fabanod a fformiwla ddilynol "lactose free" yn addas ar gyfer babanod â galactosemia)	Erthygl 1(1)
Erthygl 9(3) (gwaharddiad ar gyfeiriadau at asid docosahecsenoig pan fo fformiwla fabanod yn cael ei rhoi ar y farchnad ar 22 Chwefror 2025 neu wedi hynny)	Erthygl 1(1)
Erthygl 10(1) (cyfyngiad ar hysbysebu ar gyfer fformiwla fabanod)	Erthygl 1(1)
Erthygl 10(2) (gwaharddiad ar ddulliau hyrwyddo er mwyn cymell gwerthiant o fformiwla fabanod)	Erthygl 1(1)
Erthygl 10(3) (gwaharddiad ar ddarparu cynhyrchion, samplau neu anrhegion hyrwyddo eraill, am ddim neu am bris isel, i'r cyhoedd, i fenywod beichiog, i famau neu i aelodau o'u teuluoedd)	Erthygl 1(1)
Erthygl 10(4) (gofynion ar gyfer rhoddion neu werthiannau am bris isel o gyflenwadau o fformiwla fabanod i sefydliadau neu gyrff)	Erthygl 1(1)

(1) Rheoliad (EU) Rhif 1169/2011 Senedd Ewrop a'r Cyngor dyddiedig 25 Hydref 2011 ynghylch darparu gwybodaeth am fwyd i ddefnyddwyr, etc. (OJ Rhif L 304, 22.11.2011, t. 18).

**Statws** Golwg cyfnod mewn amser fel yr oedd ar 22/02/2021.

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

Colofn 1	Colofn 2
<i>Darpariaeth benodedig yn y Rheoliad Dirprwyedig</i>	<i>Y ddarpariaeth yn y Rheoliad Dirprwyedig sydd i'w darllen gyda'r ddarpariaeth benodedig yn y Rheoliad Dirprwyedig</i>
Erthygl 11(2) (gofynion o ran gwybodaeth sy'n ymwneud â bwydo babanod a phlant ifanc)	Erthygl 1(1)
Erthygl 11(3) (gofynion o ran rhoddion o gyfarpar neu ddeunyddiau at ddibenion gwybodaeth neu addysg)	
Erthygl 12 (gofynion hysbysu)	Erthygl 1(1)
(1) Rheoliad (EU) Rhif 1169/2011 Senedd Ewrop a'r Cyngor dyddiedig 25 Hydref 2011 ynghylch darparu gwybodaeth am fwyd i ddefnyddwyr, etc. (OJ Rhif L 304, 22.11.2011, t. 18).	

ATODLEN 2

Rheoliad 4

Addasu darpariaethau'r Ddeddf

## RHAN 1

Addasu adran 10 o'r Ddeddf

1. Mae adran 10 o'r Ddeddf (hysbysiadau gwella) yn gymwys fel pe bai'r canlynol wedi ei roi yn lle is-adran (1)—

“(1) If an authorised officer of an enforcement authority has reasonable grounds for believing that a person is failing to comply with a specified EU law requirement, the authorised officer may, by a notice served on that person (in this Act referred to as an “improvement notice”)—

- (a) state the officer's grounds for believing that the person is failing to comply or, as the case may be, that the food does not comply with the specified EU law requirement;
- (b) specify the matters which constitute the failure to comply;
- (c) specify the measures which, in the officer's opinion, the person must take in order to secure compliance; and
- (d) require the person to take those measures, or such measures that are at least equivalent to them, within such period as may be specified in the notice.”

### Gwybodaeth Cychwyn

**I13** Atod. 2 para. 1 mewn grym ar 22.2.2020 at ddibenion penodedig, gweler **rhl. 1(2)(a)**

**I14** Atod. 2 para. 1 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**



## RHAN 2

### Addasu adran 32 o'r Ddeddf

2. Mae adran 32 o'r Ddeddf(16) (pwerau mynediad) yn gymwys fel pe bai—
- (a) yn is-adran (1), y canlynol wedi ei roi yn lle paragraffau (a) i (c)—
- “(a) to enter any premises within the authority’s area for the purpose of ascertaining whether there has been any contravention of a specified EU law requirement;
- (b) to enter any business premises, whether within or outside the authority’s area, for the purpose of ascertaining whether there is on the premises any evidence of any contravention of a specified EU law requirement; and
- (c) when exercising a power of entry under this section, to exercise the associated powers in subsections (5) and (6) relating to records;”;
- (b) is-adran (9) wedi ei hepgor.

#### Gwybodaeth Cychwyn

**I15** Atod. 2 para. 2 mewn grym ar 22.2.2020 at ddibenion penodedig, gweler **rhl. 1(2)(a)**

**I16** Atod. 2 para. 2 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

## RHAN 3

### Addasu adran 35 o'r Ddeddf

3. Mae adran 35 o'r Ddeddf (cosbi troseddau) yn gymwys fel pe bai'r canlynol wedi ei fewnosod o flaen is-adran (2)—

“(1B) A person guilty of an offence under section 10(2), as applied by regulation 4(1) of the Infant Formula and Follow-on Formula (Wales) Regulations 2020, is liable on summary conviction, to a fine.”

#### Gwybodaeth Cychwyn

**I17** Atod. 2 para. 3 mewn grym ar 22.2.2020 at ddibenion penodedig, gweler **rhl. 1(2)(a)**

**I18** Atod. 2 para. 3 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

## RHAN 4

### Addasu adran 37 o'r Ddeddf

4. Mae adran 37 o'r Ddeddf (apelau i lys ynadon neu siryf) yn gymwys fel pe bai—
- (a) “Appeals” wedi ei roi yn lle'r pennawd;
- (b) y canlynol wedi ei roi yn lle is-adran (1)—
- “(1) Any person who is aggrieved by a decision of an authorised officer of an enforcement authority to serve an improvement notice under section 10(1), as applied and

(16) Diwygiwyd adran 32(5) a (6) gan adran 70 o Ddeddf Cyfiawnder Troseddol a'r Heddlu 2001 (p. 16) a pharagraff 18 o Atodlen 2 iddi.

*Statws Golwg cyfnod mewn amser fel yr oedd ar 22/02/2021.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)*

modified by regulation 4(1) of, and Part 1 of Schedule 2 to, the Infant Formula and Follow-on Formula (Wales) Regulations 2020 may appeal to the magistrates' court.”;

(c) is-adran (2) wedi ei hepgor;

(d) y canlynol wedi ei roi yn lle is-adran (5)—

“(5) The period within which such an appeal as is mentioned in subsection (1) above may be brought must be—whichever ends the earlier—

(a) one month from the date on which notice of the decision was served on the person desiring to appeal; or

(b) the period specified in the improvement notice

and in the case of such an appeal, the making of the complaint shall be deemed for the purposes of this subsection to be the bringing of the appeal.”

(e) yn is-adran (6)—

(i) “subsection (1)” wedi ei roi yn lle “subsection (3) or (4)”; a

(ii) ym mharagraff (a), “or to the sheriff” wedi ei hepgor.

#### Gwybodaeth Cychwyn

**I19** Atod. 2 para. 4 mewn grym ar 22.2.2020 at ddibenion penodedig, gweler **rhl. 1(2)(a)**

**I20** Atod. 2 para. 4 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

## RHAN 5

### Addasu adran 39 o'r Ddeddf

5. Mae adran 39 o'r Ddeddf (apelau yn erbyn hysbysiadau gwella) yn gymwys fel pe bai, yn is-adran (3), “for want of prosecution” wedi ei hepgor.

#### Gwybodaeth Cychwyn

**I21** Atod. 2 para. 5 mewn grym ar 22.2.2020 at ddibenion penodedig, gweler **rhl. 1(2)(a)**

**I22** Atod. 2 para. 5 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

## RHAN 6

### Addasiadau pellach i ddarpariaethau'r Ddeddf

6. Mae adran 3 o Ddeddf 1990 (rhagdybiaethau y bwriedir i fwyd gael ei fwyta gan bobl) yn gymwys fel pe bai, yn is-adran (1), “the 2020 Regulations” wedi ei roi yn lle “this Act”.

#### Gwybodaeth Cychwyn

**I23** Atod. 2 para. 6 mewn grym ar 22.2.2020 at ddibenion penodedig, gweler **rhl. 1(2)(a)**

**I24** Atod. 2 para. 6 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

7. Mae adran 20 o'r Ddeddf (troseddau oherwydd bai person arall) yn gymwys fel pe bai “the 2020 Regulations” wedi ei roi yn lle “any of the preceding provisions of this Part”.

**Gwybodaeth Cychwyn**

- I25** Atod. 2 para. 7 mewn grym ar 22.2.2020 at ddibenion penodedig, gweler **rhl. 1(2)(a)**
- I26** Atod. 2 para. 7 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

**8.** Mae adran 21 o'r Ddeddf (amddiffyniad diwydrwydd dyladwy) yn gymwys fel pe bai, yn is-adran (1), "the 2020 Regulations" wedi ei roi yn lle "any of the preceding provisions of this Part".

**Gwybodaeth Cychwyn**

- I27** Atod. 2 para. 8 mewn grym ar 22.2.2020 at ddibenion penodedig, gweler **rhl. 1(2)(a)**
- I28** Atod. 2 para. 8 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

**9.** Mae adran 22 o'r Ddeddf (amddiffyniad cyhoeddi yng nghwrs busnes) yn gymwys fel pe bai "the 2020 Regulations" wedi ei roi yn lle "any of the preceding provisions of this Part".

**Gwybodaeth Cychwyn**

- I29** Atod. 2 para. 9 mewn grym ar 22.2.2020 at ddibenion penodedig, gweler **rhl. 1(2)(a)**
- I30** Atod. 2 para. 9 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

**10.** Mae adran 29 o'r Ddeddf (caffael samplau) yn gymwys fel pe bai, ym mharagraff (b)(ii), "including under section 32 as applied and modified by regulation 4(2) of, and Part 2 of Schedule 2 to, the 2020 Regulations" wedi ei fewnosod ar ôl "under section 32 below".

**Gwybodaeth Cychwyn**

- I31** Atod. 2 para. 10 mewn grym ar 22.2.2020 at ddibenion penodedig, gweler **rhl. 1(2)(a)**
- I32** Atod. 2 para. 10 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

- 11.** Mae adran 30 o'r Ddeddf (dadansoddi etc. samplau) yn gymwys fel pe bai—
- (a) yn is-adran (1), "including under section 29 as applied and modified by regulation 4(6) of, and Part 6 of Schedule 2 to, the 2020 Regulations" wedi ei fewnosod ar ôl "under section 29 above"; a
  - (b) yn is-adran (8), "the 2020 Regulations" wedi ei roi yn lle "this Act".

**Gwybodaeth Cychwyn**

- I33** Atod. 2 para. 11 mewn grym ar 22.2.2020 at ddibenion penodedig, gweler **rhl. 1(2)(a)**
- I34** Atod. 2 para. 11 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

**12.** Mae adran 33 o'r Ddeddf (rhwystru etc. swyddogion) yn gymwys fel pe bai, yn is-adran (1), "the 2020 Regulations" wedi ei roi yn lle "this Act" (ym mhob lle y mae'n digwydd).

**Gwybodaeth Cychwyn**

- I35** Atod. 2 para. 12 mewn grym ar 22.2.2020 at ddibenion penodedig, gweler **rhl. 1(2)(a)**
- I36** Atod. 2 para. 12 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

*Statws Golwg cyfnod mewn amser fel yr oedd ar 22/02/2021.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)*

13. Mae adran 36 o'r Ddeddf (troseddau gan gyrrff corfforedig) yn gymwys fel pe bai, yn is-adran (1), "the 2020 Regulations" wedi ei roi yn lle "this Act".

#### Gwybodaeth Cychwyn

**I37** Atod. 2 para. 13 mewn grym ar 22.2.2020 at ddibenion penodedig, gweler **rhl. 1(2)(a)**

**I38** Atod. 2 para. 13 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

14. Mae adran 36A o'r Ddeddf(17) (troseddau gan bartneriaethau Albanaidd) yn gymwys fel pe bai "the 2020 Regulations" wedi ei roi yn lle "this Act".

#### Gwybodaeth Cychwyn

**I39** Atod. 2 para. 14 mewn grym ar 22.2.2020 at ddibenion penodedig, gweler **rhl. 1(2)(a)**

**I40** Atod. 2 para. 14 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

15. Mae adran 44 o'r Ddeddf (amddiffyn swyddogion sy'n gweithredu'n ddiwyll) yn gymwys fel pe bai "the 2020 Regulations" wedi ei roi yn lle "this Act" ym mhob lle y mae'r geiriau hynny yn ymddangos.

#### Gwybodaeth Cychwyn

**I41** Atod. 2 para. 15 mewn grym ar 22.2.2020 at ddibenion penodedig, gweler **rhl. 1(2)(a)**

**I42** Atod. 2 para. 15 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

16. Mae adran 53 (dehongli cyffredinol) yn gymwys fel pe bai—

(a) y canlynol wedi ei fewnosod ar ôl y diffiniad o "the 1956 Act"—

““the 2020 Regulations” means the Infant Formula and Follow-on Formula (Wales) Regulations 2020;”;

(b) y canlynol wedi ei fewnosod ar ôl y diffiniad o "slaughterhouse"—

““specified EU law requirement” has the meaning given in regulation 2(1) of the 2020 Regulations;”.

#### Gwybodaeth Cychwyn

**I43** Atod. 2 para. 16 mewn grym ar 22.2.2020 at ddibenion penodedig, gweler **rhl. 1(2)(a)**

**I44** Atod. 2 para. 16 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

ATODLEN 3

Rheoliad 5(1)

Dirymiadau sy'n gysylltiedig â Fformiwla Fabanod a Fformiwla Ddilynol

#### Gwybodaeth Cychwyn

**I45** Atod. 3 mewn grym ar 22.2.2021 i'r graddau nad yw eisoes mewn grym, gweler **rhl. 1(2)(b)**

(17) Mewnosodwyd adran 36A gan adran 40(1) o Ddeddf 1999 a pharagraff 16 o Atodlen 5 iddi.

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

Colofn 1	Colofn 2	Colofn 3
<i>Offeryn</i>	<i>Cyfeirnod</i>	<i>Graddau'r dirymu</i>
Rheoliadau Fformiwla Fabanod a Fformiwla Ddilynol (Cymru) 2007	O.S. 2007/3573 (Cy. 316)	Y Rheoliadau cyfan, ac eithrio rheoliad 30
Rheoliadau Fformiwla Fabanod a Fformiwla Ddilynol (Diwygio) (Cymru) 2008	O.S. 2008/2602 (Cy. 228)	Rheoliad 2
Rheoliadau Fformiwla Fabanod a Fformiwla Ddilynol (Cymru) (Diwygio) 2014	O.S. 2014/123 (Cy. 13)	Y Rheoliadau cyfan
Rheoliadau Trosoglwyddo Swyddogaethau (Bwyd) (Cymru) 2014	O.S. 2014/1102 (Cy. 110)	Rheoliad 5
Rheoliadau Bwyd ar gyfer Grwpiau Penodol (Gofynion o ran Gwybodaeth a Chyfansoddiad) (Cymru) 2016	O.S. 2016/639 (Cy. 175)	Atodlen 3, paragraff 4

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn, sy'n gymwys i Gymru, yn gwneud darpariaeth i orfodi Rheoliad Dirprwyedig y Comisiwn (EU) 2016/127 dyddiedig 25 Medi 2015 sy'n ychwanegu at Reoliad (EU) Rhif 609/2013 Senedd Ewrop a'r Cyngor ynghylch y gofynion penodol o ran cyfansoddiad a gwybodaeth ar gyfer fformiwla fabanod a fformiwla ddilynol ac ynghylch gofynion o ran gwybodaeth sy'n ymwneud â bwydo babanod a phlant ifanc (OJ Rhif L 25, 2.2.2016, t. 1, "y Rheoliad Dirprwyedig").

Mae'r Rheoliadau hyn yn gwneud darpariaeth at ddiben a grybwyllir yn adran 2(2) o Ddeddf y Cymunedau Ewropeaidd 1972 (p. 68) ac mae'r cyfeiriadau ynddynt at ddarpariaethau'r Rheoliad Dirprwyedig i'w dehongli fel cyfeiriadau at y darpariaethau hynny fel y'u diwygir o bryd i'w gilydd.

Mae rheoliad 3 yn darparu bod rhaid i bob awdurdod bwyd weithredu a gorfodi'r Rheoliadau hyn o fewn ei ardal. Mae rheoliad 2(1) yn cynnwys diffiniad o "awdurdod bwyd".

Mae rheoliad 4 ac Atodlen 2 yn cymhwyso, gydag addasiadau, ddarpariaethau penodol yn Neddf Diogelwch Bwyd 1990 (p. 16) at ddibenion y Rheoliadau hyn.

Mae rheoliad 5 ac Atodlen 3 yn gwneud darpariaeth ar gyfer dirymiadau ac arbedion o ganlyniad i'r Rheoliadau hyn. Mae Rheoliadau Fformiwla Fabanod a Fformiwla Ddilynol (Cymru) 2007

**Statws** Golwg cyfnod mewn amser fel yr oedd ar 22/02/2021.

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

(O.S. 2007/3573 Cy. 316) (“Rheoliadau 2007”) a’r darpariaethau sy’n diwygio’r Rheoliadau hynny wedi eu dirymu. Mae Rheoliadau 2007 yn gweithredu Cyfarwyddeb y Comisiwn 2006/141/EC ddyddiedig 22 Rhagfyr 2006 ar fformiwlâu babanod a fformiwlâu dilynol ac sy’n diwygio Cyfarwyddeb 1999/21/EC (OJ Rhif L 401, 30.12.2006, t. 1) a Chyfarwyddeb y Cyngor 95/52/EEC ar fformiwlâu babanod a fformiwlâu dilynol a fwriedir ar gyfer eu hallforio i drydydd gwledydd (OJ Rhif L 179, 1.7.1992, t. 129). Mae Erthygl 13 o’r Rheoliad Dirprwyedig yn diddymu’r Gyfarwyddeb honno gydag effaith o 22 Chwefror 2020, ac o 22 Chwefror 2021 yn achos fformiwla fabanod a fformiwla ddilynol sydd wedi eu gweithgynhyrchu o hydrolysadau protein.

Mae rheoliad 5 o’r Rheoliadau hyn yn darparu ymhellach ar gyfer y dirymiadau sydd i’w harbed at ddibenion y trefniadau trosiannol yn y rheoliad hwnnw. Mae’r trefniadau trosiannol hynny yn darparu, pan fo fformiwla fabanod neu fformiwla ddilynol wedi ei rhoi ar y farchnad neu ei labelu cyn dyddiad cymhwyso’r Rheoliad Dirprwyedig (22 Chwefror 2020 neu, yn achos fformiwla fabanod neu fformiwla ddilynol sydd wedi ei gweithgynhyrchu o hydrolysadau protein, 22 Chwefror 2021), y caiff barhau i gael ei marchnata nes i’r stociau gael eu disbyddu, ar yr amod bod gofynion penodol wedi eu bodloni.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â’r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o’r costau a’r manteision sy’n debygol o ddeillio o gydymffurfio â’r Rheoliadau hyn.

**Statws**

Golwg cyfnod mewn amser fel yr oedd ar 22/02/2021.

**Newidiadau i ddeddfwriaeth:**

Mae newidiadau yn dal heb eu gwneud i Rheoliadau Fformiwla Fabanod a Fformiwla Ddilynol (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.